

駢駢

字

分

箋雅



四 四

四

四

四 四



駢
字
分
箋

程際盛纂

中
華
書
局

自序

駢字分箋者何。說文駢、駕二馬也。廣雅駢、𦵏也。又併也。石鼓文駢作駢。正字通俗駢字作駢。說文字、乳也。依類象形。故謂之文。形聲相益。卽謂之字。字者言孳乳而浸多也。周禮內史掌書名於四方。註古曰名。今曰字。滋益而名。故更曰字也。古文作𠂔。說文分、別也。从八从刀。八象分別相背之形。刀以分別物也。前漢律歷志分者自三微而成著。可分別也。說文箋表識書也。廣雅箋云也。書也。博物志聖人制作曰經。賢者著述曰傳。鄭康成註毛詩曰箋。玉篇通作牋。故曰駢曰字曰分曰箋也。駢字者何。管子四稱篇出則黨駢。註謂用黨而駢𦵏。莊子言駢拇。左傳言駢脅。猶比也。又朋比也。比其類合兩字而部居。故曰駢字也。分箋者何。易繫辭物以羣分。玉篇分、隔也。又半也。又均也。字林謂記識其事。特稱爲箋也。故曰分箋也。漢時學僮十七已上。始試諷籀書九千字。乃得爲吏。漢時故訓亦謂詁訓通暢古今之言解之。使人知小學甚重。

駢字分箋 自序

二

也。今雖未能使六藝羣書之詁，皆訓其意而理羣類，達神憎，亦可辨同實而殊號，瞭無蒙翳，故曰駢字分箋也。長洲程際盛序。

駢字分箋

程際盛纂

卷上

日月 日之爲言實也。常滿有節。月之爲言闕也。有滿有闕。白虎通

雷電 有聲名曰雷。無聲名曰電。公羊隱公九年傳註雷其相擊之聲也。電其相擊之光也。西京雜記

風雨 天之偏氣。怒者爲風。地之含氣。和者爲雨。淮南天文訓

霜露 霜、喪也。物皆喪也。露、慮也。覆慮物也。釋名

苞蔽 陽之專氣爲苞。陰之專氣爲蔽。大戴禮

雲霓 雲出天之正氣。霓出地之正氣。孟子梁惠王下疏

虹蜺

雄曰虹，雌曰蜺。楚辭離騷經註。

星宿

星散也。列位布散也。宿，宿也。各止宿其處也。

魁杓

柄星一至四爲魁，三至七爲杓。天文志。

光景

光晃也。所照廣遠也。景，境也。有境限也。釋名。

氛祲

氛，粉也。祲，侵也。釋名。

亭毒

亭，品其形。毒，成其質。列子注。

軫蓋

天爲蓋，地爲軫。周書。

蓋輿

謂天爲蓋，謂地爲輿。史記三王世家註。

堪輿

堪，天道也。輿，地道也。後漢書王景傳註。

璣衡

轉運者爲璣。持正者爲衡。尙書大傳注

方圓

天道曰圓。地道曰方。淮南天文訓

躔遂

日運曰躔。月運曰遂。方官

年祀

商曰祀。周曰年。禮韻釋文

年歲

年、進也。進而前也。歲、越也。越故限也。釋名

歲時

歲者、遂也。萬物畢死爲一歲。時者、期也。陰陽消息之期。白虎通

寒暑

寒、捍也。捍格也。暑、煮也。如煮物也。釋名

朝夕

將晨爲朝。初昏爲夕。尙書大傳注

宇宙

四方上下曰宇。舟輿所屆曰宙。後漢書馮衍傳註

經緯

地東西爲緯，南北爲經。大戴禮。

廣輪

東西爲廣，南北爲輪。周禮大司徒疏。

縱橫

東西曰縱，南北爲橫。唐顏。

仟佰

南北曰仟，東西曰佰。漢書地理志註。

廣袤

東西曰廣，南北曰袤。禮韻釋文。

褒斜

南谷名褒，北谷名斜。後漢書順帝紀註。

微塞

東北謂之塞，西南謂之微。漢書佞辛鄠通傳註。

山澤

積石曰山，水鍾曰澤。周禮大宰疏。

藪澤

水鍾謂之澤，無水則名藪。魯武成疏。

沛澤 草棘曰沛。漸洳曰澤。公羊傳公四年傳註。

澤鹵 下而有水曰澤。地不生物曰鹵。釋名。

林薄 叢木曰林。草木交錯曰薄。楚辭九章註。

澗谿 有水曰澗。無水曰谿。呂氏春秋慎行論註。

澗澗 山夾水澗。陵夾水澗。附雅。

川谷 流源爲川。注谿曰谷。楚辭招魂註。

州渚 州居也。渚處也。廣雅。

澳隈 水內曰澳。水外曰隈。禮韻釋文。

隄澗 隄是山岸。澗是水岸。詩葛藟疏。

芮翰

水內爲芮。水外爲翰。詩公劉箋

陂池

澤障曰陂。停水曰池。齊泰舊傳。畜水曰陂。通水曰池。禮記月令註

池隍

有水曰池。無水曰隍。許氏說文

池沼

圓曰池。曲曰沼。許氏說文

潮汐

朝曰潮。夕曰汐。楚辭九章註

漫淹

溼敝曰漫。水敝曰淹。方言

岳瀆

岳是名山。瀆是大川。書舜典疏

江海

江、貢也。海、晦也。廣雅

河淮

河、何也。淮、均也。廣雅

雲夢

雲在江之北。夢在江之南。

吳越春秋註

墳衍

水崖曰墳。下平曰衍。

周禮大司徒註

原隰

高平曰原。下溼曰隰。

詩皇皇者華傳

上平曰原。下平曰隰。公羊昭公元年傳

原野

廣平曰原。郊外曰野。

呂氏春秋季秋紀註

郊甸

郭外曰郊。郊外曰甸。

左傳襄公二十一年傳註

易萊

郊內謂之易。郊外謂之萊。

周禮縣師註

沛萊

草所生爲萊。水所生爲沛。

禮記王制疏

汙萊

汙者。池停水之名。萊者。草穢之名。

詩十月之交疏

華夏

冕服采章曰華。大國曰夏。

書武成傳

邦國 大曰邦、小曰國、周禮大室疏

京師 京、大也、師、衆也、白虎通

京兆 絕高曰京、十億曰兆、急就篇

都邑 邑是居處之名、都是衆聚之稱、詩天作高山疏

城郭 城、盛也、盛受國都也、郭、廓也、廓落在城外也、釋名

金湯 金以喻堅、湯取其熱、後漢書光武帝紀註

社稷 社者、土地之主、稷者、五穀之長、風俗通 社、后土之神、稷、田官之神、呂氏春秋 社、地主也、稷、先農也、急就篇

壇墠 封土曰壇、除地曰墠、禮記祭法註

寢廟 前曰廟、後曰寢、詩巧實疏

宗廟

宗尊也。廟貌也。三輔黃圖

辟雍

辟之爲言積也。積天下之道德。雍之爲言壅也。壅天下之饑則。白虎通

庠序

庠者庠禮義也。序者序長幼也。白虎通

臺榭

士高曰臺。有木曰榭。書泰誓傳無木謂之臺。有木謂之榭。楚辭招魂註

園囿

有蕃曰園。有牆曰囿。詩駉驥疏

苑囿

大曰苑。小曰囿。呂氏春秋慎小註

園陵

園謂塋域。陵謂山墳。後漢書光武帝紀註

邱園

邱謂邱墟。園謂園囿。易賁卦疏

淵府

水深謂之淵。藏物謂之府。書武成疏

田宅

宅在都田在野。詩七月疏。

邱邑

四井爲邑。四邑爲邱。周禮。

廬里

在田曰廬。在邑曰里。公羊宣公十五年傳注。

廬里

廬者一夫所受之宅。里者一廬所居之地。孟子公孫丑上疏。

店肆

肆所以陳貨鬻之物也。店所以置貨鬻之物也。古今注。

闌闌

闌市垣也。闌市門也。古今注。

賣買

出曰賣。入曰買。急就篇。

康莊

五達謂之康。六達謂之莊。爾雅釋宮。

道路

道、蹈也。路、露也。釋名。

蹊徑 蹊、係也。步所用道也。徑、經也。人所經由也。釋名。

垣墉 卑曰垣。高曰墉。齊梓材傳。

牆壁 牆、鄣也。自鄣蔽也。壁、辟也。辟禦風雨也。釋名。

棟宇 棟、屋櫨。宇、屋垂。淮南子論訓註。

椽桷 圓曰椽。方曰桷。左傳桓公十四年傳疏。

檻楯 從曰檻。橫曰楯。楚辭招魂註。

門戶 大曰門。小曰戶。急就篇。外曰門。內曰戶。韻會。

窗扇 竹曰扇。木曰闔。許氏說文。

扉 以木曰扉。以葦曰扇。禮韻釋文。

牕牖

在牆曰牕。在屋曰牖。許氏說文。

罍

罍、復也。思、思也。釋名。

次舍

在內爲次。在外爲舍。周禮宮伯註。

啓塞

門戶道橋謂之啓。城郭牆壘謂之塞。左傳僖公二十一年傳註。

困廩

圓者謂之困。方者謂之廩。史記龜策列傳註。

倉廩

穀藏曰倉。米藏曰廩。禮記月令疏。

倉庾

在邑曰倉。在野曰庾。史記孝文本紀註。

困倉

方者爲倉。圓者爲困。詩伐檀疏。

委積

少曰委。多曰積。周禮道人註。